



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Thomæ A Kempis Canonici Regvlaris Ord. S. Avgvstini De  
Imitatione Christi Libri Qvatvor**

**Thomas <von Kempen>**

**Antverpiæ, 1617**

Cap. IX. De obedientia, & subiectione.

[urn:nbn:de:hbz:466:1-45760](#)

Cum diuitibus noli blandire, & corā magnatis non libenter appareas. Cum humilibus & simplicibus, cum deuotis & morigeratis sociare: & quæ ædificationis sunt, pertracta. Non sis familiaris alicui mulieri: sed in communi, omnes bonas mulieres Deo commendā. Soli Deo & Angelis eius, opta familiaris esse, & hominū notitiam deuita.

2 Charitas habenda est ad omnes, sed familiaritas non expedit. Quandoque accidit, ut persona ignota, ex bona fama luceat: cuius tamen præsentia oculos intuentium offuscāt. Putamus aliquando aliis placere, ex coniunctione nostra: & incipimus magis displicere, ex morum improbitate, in nobis considerata.

## C A P. IX.

*De obedientia & subiectione.*

I **V**ALDE magnum est, in obedientia stare, sub prælato vivere, & sui iuris non esse. Multo tuius est, stare in subiectione, quam in prælatura. Multi sunt sub obedientia,

tia, magis ex necessitate, quam ex charitate: & illi pœnam habent, & leuiter murmurant. Nec libertatem mentis acquirent; nisi ex toto corde, propter Deum se subiificant. Curre h̄ic vel ibi: non inuenies quietem, nisi in humili subiectione, sub prælati regimine. Imaginatio locorum & mutatio, multos fefellit.

2 Verum est, quod vnuſquisque libenter agit pro sensu suo; & inclinatur ad eos magis, qui secum sentiunt. Sed si Deus est inter nos, necesse est, ut relinquamus etiam quandoque nostrum sentire, propter bonum pacis. Quis est ita sapiens, qui omnia plenè scire potest? Ergo, noli nimis in sensu tuo confidere: sed velis etiam libenter, aliorum sensum audire. Si bonum est tuum sentire, & hoc ipsum propter Deum dimitis, & aliud sequeris, magis ex inde proficies.

3 Audiui enim ſæpè, securius esse audire & accipere consilium, quam dare. potest etiam contingere, ut bonum sit vniuscuiusque sentire: sed nolle aliis acquiescere, quum id ratio, aut

aut causa postulat, signum est superbia & pertinaciæ.

## C A P. X.

*De cauenda superfluitate verborum.*

**M**at. 4. 1 **C**AVEAS tumultum hominum,  
**&** 14. **Q**uantum potes: multum enim  
**Ioan. 6.** impedit tractatus sœcularium gestorum, etiam si simplici intentione proferantur. Citò enim inquinamur vanitate, & captiuamur. Velle me pluries tacuisse, & inter homines non fuisse. Sed quare tam libenter loquimur, & inuicem fabulamur: cum tamen raro, sine læsione conscientiæ, ad silentium redimus? Ideò tam libenter loquimur: quia per mutuas locutiones, ab inuicem consolari quærimus: & cordiuersis cogitationibus fatigatum, optamus reuelare. Et multum libenter de his, quæ multum diligimus, vel cupimus, vel quæ nobis contraria sentimus, libet loqui & cogitare.  
 2 Sed proh dolor, sœpè inaniter & frustrà. Nam hæc exterior consolatio, interioris & diuinæ cōfolationis, non modicum detrimentum est. Ideò  
 vigi-